

loes my vanden boesen gheest. **W**ch lieue  
here Jesu chre mijn wtuertoren myner  
stae my by alstu my ghebedes van eert  
rijcke toe scheyden lieue here toene my  
dan dy seluen inden cruce. Die leueste  
en regnierste mytten vader en den hil  
lighen gheest een waerachtich god e  
ewelike sunder eynde amen. *Gen gebz*

*van sunte herasmus datmen alle soe  
daghe lesen sal. H H H H H*

**O** hellighe here sunte herasme  
een martelaer godes die op  
ten hillinghen soendach gode gheoffert  
biste ouermids den doet en daer van  
grote vroude ontfien heuest. **D**itfae  
dit ghebeth om salicheit mijns liues  
ende der sielen. op dat my god om din  
bede verlienen wil mijn noetdrift en  
in minen lesten eynde wilcoemē bich  
te waren vrouwe en dat hellighe sacra  
ment mytter hillinghet olyen myt goe  
den wercken die gode behughen dy toe